

Канон святителю Ионе Новгородскому

Память празднуем 5 (18) ноября

Тропарь, глас 4-й

Исправлѣніе вѣры, и образ кротости, и якоже сад посреди райа, преподобными дѣлы твоими мир просвещаяши, и сего ради к мощем твоим любовию прикасаемся и верно вопиѣм: предстани в помощь воспевающим память твою светоносную, отче Ионо, и моли спастися душам нашим.

КАНОН, глас 4-й

Песнь 1

Ирмос: Трестаты крепкия, Рождѣйся от Дѣвы, безстрастія во глубинѣ души тричастное потопи, молюся, да Тебѣ, яко в тимпане, во умерщвлении телесе побѣдное воспою пѣние.

Припев: Преподобне отче наш Ионо, моли Бога о нас.

Избра ты благодать, отче, от утробы матере твоея поставити ты пророка людем своим, ходатайствовати ко Господу о спасении мира и оставлении невеждеств их, блаженне.

Преподобне отче наш Ионо, моли Бога о нас.

Рукою великаго архиерея Ионы со иже о нем собора священнх мужей судом приѣмлеши помазание архиерейства, Духом воздвигаемь, Ионо, и пастырь великому граду, священне, полагаешь.

Слава: Блаженнаго Михайла сбывается на тебе проречение, не внешнюю бо на тебе нищету зряше, но внутреннее преспеяние души твоея духовными очесы смотря, аще и еще отрочищу ти сущу, блаженне.

И ныне: Пресветлая свеще Солнца славы, души моея огонь, угашенный присно унынием, возжзи, Божественных дел елеем, Пречистая, напаяющи, да верою и любовию присно Тя славлю, Богородительнице.

Песнь 3

Ирмос: С высоты снишел еси волею на землю превыше всякаго начала и смиренное вознесл еси из ада преисподняго естество человеческое, несть бо свят, паче Тебѣ, Человеколюбче.

Преподобне отче наш Ионо, моли Бога о нас.

От юности твоея Божественное просвещение, Ионо, на тебе сияше, якоже преподобный провиде, иже миру юрод, Богу же премудр: яко Богу избран еси из чрева матере твоея, священне.

Преподобне отче наш Ионо, моли Бога о нас.

Мир усмирися молитвами твоими, иерарше, во твоём епископстве, но, яко тогда, и ныне Божие человеколюбие умоли прилежно в мире утвердятся миру, Ионо.

Слава: Плоды Господу начаток дел твоих принесл еси, плоды же земли молитвами твоими умножил еси. И ныне моли, блаженне, земли нашей плодоносие присно подавати, яко благопослушна ты имеем.

И ныне: Евину древнюю клятву, Христа рождши, Мати Чистая, пресветло

разрешила еси́, Иже всех венчава́ющего благословенными: несть бо, Пречистая, па́че Тебе́, ины́я Помо́щницы.

Господи, помилуй (трижды).

Седален, глас 4-й

Добродетельми светяся, о́тче, па́ствити Христо́вы о́вцы поставляе́мь и Преподо́бнаго Серге́я красен храм внутрь еписко́пии воздвигл еси́. Яко душе́ю любя́ того́, по́двиги его́ почита́я и смолитвенника себе́ о ста́де твоём ко Го́споду полага́я, ны́не сра́дуешися Ему́, о́тче священне, моли́ спастися душа́м на́шим.

Слава, и ны́не: Обновила еси́, Чи́стая, Божество́м Твои́м ислéвшее во страстéх земноро́дных мёртвенное существо́ и воздвигла еси́ вся от сме́рти к жи́зни нетле́ния. Те́мже Тя по до́лгу блажим вси́, Де́во Препросла́вленная, я́коже прорекла́ еси́.

Песнь 4

Ирмос: Любве́ ра́ди, Ще́дре, Твоего́ о́браза на Кресте́ Твоём стал еси́, и растая́шася язы́цы: Ты бо еси́, Человеколю́бче, крѣпость моя́ и хвалѣние.

Преподо́бне о́тче наш Ио́но, моли́ Бо́га о нас.

Божество́ннаго Предте́чи, вели́каго Ио́анна, храм священны́й воздвигл еси́, я́ко ве́рен, ду́шу тому́ и тѣло в снабде́ние возлага́я, о́тче священне.

Преподо́бне о́тче наш Ио́но, моли́ Бо́га о нас.

Яко рачи́тель и подража́тель тепл Крестите́лю Госпо́дню показáлся еси́, те́мже в хра́ме его́, его́же тому́ созда́л еси́, тѣло твоѣ полага́еши, и во двори́ его́ прийтися желáя.

Слава: Возлюбил еси́, архиере́ю, священны́х мужей́ пѣсньми восхваля́ти священны́х их па́мяти, я́ко рачи́тель добро́ты их и подража́тель дея́ний Боголюбѣзны́х.

И ны́не: Имя́ Тя Помо́щницу, когó убою́ся когда́ или́ устрашúся? Кто же, хотя́ ско́рбная навести́ рабу́ Твоёму́, и не устраши́тся Тебе́, Пречистая, и не падѣт под но́зе?

Песнь 5

Ирмос: Нечестивии не узря́т сла́вы Твоея́, Христѣ́, но мы Тя, Единоро́дне, Оте́ческия Сла́вы Си́яние Божества́, от но́щи у́треннююще, воспева́ем Тя, Человеколю́бче.

Преподо́бне о́тче наш Ио́но, моли́ Бо́га о нас.

Приноси́мое я́ко че́стно возложе́ние Бо́гу и освяще́нно первопресто́льником Росси́йским, Ио́ною, твоѣ священное па́стырства возведе́ние, я́ко пасу́щу ти Госпо́дни лю́ди, Ио́но святите́лю, преподо́бием и крѣпостию.

Преподо́бне о́тче наш Ио́но, моли́ Бо́га о нас.

Аще и на преста́вление митрополи́том Ио́ною зово́м самѣм погребсти́ его́, отрѣ́кся еси́ ста́рости ра́ди приити́, Ио́но священне, оба́че обеща́лся еси́ ему́ видети́ того́ по своѣм преста́влении во све́те Христо́ве.

Слава: Пѣсньми почѣ́л еси́ па́мять иерар́ха, Ио́ны митрополи́та, и хвала́ми, я́ко досто́йно, ублажи́л еси́ того́: сам ны́не, иерар́ше Ио́но, прича́ствуеши похвала́м его́ и по сотворѣ́нию твоёму́ к бли́жнему восприѣ́млеши.

И ны́не: Низложи́, Влады́чице, враго́в мои́х шата́ние, Пренепоро́чная, Ты бо има́м и Предста́тельницу, и наде́жду, и по́мощь крѣпкую. Ты мя соблюди́, Чи́стая, наве́та

вражия, избавляючи лаяния тех.

Песнь 6

Ирмос: Пучиною житейскою деяньми моими снидох во ад, но, яко от кита Иона, тако вопию: из глубины зол возведи, молюся, Сыне Божий и Слове.

Преподобне отче наш Ионо, моли Бога о нас.

Прильпе любвию душа твоя к Господню Крестителю, святителю Богоблаженне, темже тело твоё честное в честном храме его нетленно во многа лета соблюдено явися.

Преподобне отче наш Ионо, моли Бога о нас.

Красота говения твоего еже ко Господу привлече благодать благолепию души твоея, священне, и возведе тя Великому Новуграду отца и первопрестольника, Господня священства преподобна показа.

Слава: Прослави тя Господь, Ионо, тело твоё соблюде во многа лета нетленно, являя тя общника раб Своих, ихже подражатель в житий был еси, сим и по смерти достойно соублажаешися, блаженне.

И ныне: Всесвятая Дево, Предстательнице и покрове всех верных, предстани и избави ны враг наших нападения, и от всякия скорби, и Страшнаго Суда испытания, да верою присто пою Тя.

Господи, помилуй (трижды). Слава, и ныне:

Кондак, глас 4-й

Свыше приял еси Божественную благодать ходатайствовати Богу и человеком, яко архиерей возношение вознося, и мир людем твоим снося, и обилие плодов, Ионо блаженне; ты бо еси Великаго Новграда похвала и сущих о нем радость.

Икос

Похвалим достойно ныне иерарха, яко от чрева матере своей избран Богу во освящение, и, отрочищ ещё сый, пронаречен во архиерейство граду своему от Бога. Темже не от человек произведен архиерей, но свыше пронаречен и Духом помазан, священнодействуя Богоприятно, и умирение, и тишину молитвами своими дарует, и обилие плодов. Той бо Великаго Новграда слава и всех, иже о нем, радость.

Песнь 7

Ирмос: Авраамстии иногда в Вавилоне отроцы пещный пламень попраша, песнями зывающе: отец наших Боже, благословен еси.

Преподобне отче наш Ионо, моли Бога о нас.

Зидеши Божественному Имени Богатною рукою в пустынях удалено, Ионо, священныя храмы великих Богоугодник, Божественных архиерей с преподобными.

Преподобне отче наш Ионо, моли Бога о нас.

Нову обитель составляеши великих трех иерарх и монашествей черте благоутишно пристанище, отче, местным же удалением оброчая им безмолвие.

Слава: Виноград насаждая Богу, ограду священную, вино износящую веселящее, в священныя храмах Божественное пение, Иже в Троице Единому, хвалиму и благословиому Богу отец наших.

И ныне: Едину Всесвятую, Единому Богу вселение едино пречисто, от Иоакима и

Анны ражда́ему, священным хра́мом почита́я, я́ко в нем воспева́ти всепе́тое Де́вы Рождество́.

Песнь 8

Ирмос: Отроки благочестивыя в пещи́ Рождество́ Богородичо спасло́ есть; тогда́ убо образу́емое, ны́не же де́йствуемое, вселенную́ всю воздвиза́ет пе́ти Тебе́: Го́спода по́йте, дела́, и превозноси́те Его́ во вся ве́ки.

Преподо́бне о́тче наш Ио́но, моли́ Бо́га о нас.

Кро́ткое и молчали́вое нра́ва твоего́ восприе́м, Го́сподь, блаже́нне, поста́ви тя па́стыря лю́дем Свои́м, на кого́ бо при́зрит? Но на кро́ткаго и молча́щаго, трепещу́щаго словес́ Его́.

Преподо́бне о́тче наш Ио́но, моли́ Бо́га о нас.

Уста́ вдов благослови́ша тя, заступле́ния от тебе́ сподо́бльшеся, иерарше́ блаже́нне, благоугожда́ющаго Бо́гу, по непоро́чному Иову, и оби́димыя от наси́лия изима́ющаго.

Слава: Лю́дие твои́, священнонача́льниче преподо́бне, се́товаху сирот́ства своего́ в твоём к Бо́гу отше́ствии, до́браго па́стыря своего́, ны́не же священно́ю па́мятию твое́ю возра́довашася вся́ческая.

И ны́не: На Тя всю наде́жду спасе́ния моего́ возложих, Богома́ти Неискусобра́чная, и Тя призыва́ю при́сно на по́мощь: спаси́ мя от напа́стей и печа́ли врага́, разреши́ плени́цу зол мои́х и Суда́ мя исхити́.

Песнь 9

Ирмос: Сотвори́ держа́ву мы́шцею Своёю, низложи́ бо си́льныя со престол́ и вознесе́ смире́нныя Бог Изра́илев. В ни́хже посети́ нас Восто́к с высоты́ и напра́вил ны есть на путь ми́ра.

Преподо́бне о́тче наш Ио́но, моли́ Бо́га о нас.

Блаже́ннаго Евфи́мия престол́ насле́довал еси́, священне Ио́но, я́ко подража́тель добродете́лей его́ был еси́ и, пе́снями сего́ ублажи́в па́мять твою́, и испроси́ нам обществу́ешися хвала́м его́, я́ко соводворя́ешися ему́ во Све́те незаходи́мем.

Преподо́бне о́тче наш Ио́но, моли́ Бо́га о нас.

В зе́млю кро́тких со архиере́и досто́йно всели́лся еси́, иерарше́ Ио́но, кро́ткаго Учи́теля учени́че. Тому́ предста́ни о нас, пою́щих па́мять твою́, и испроси́ нам собла́знов оставле́ние, и шу́ия ча́сти в день Суда́ избавле́ние, и лю́тыя ге́енны, блаже́нне.

Слава: Не изнемо́жет всяк глаго́л, и́же от Бо́га, убо́га тя и сироту́ Отец сирот́ прие́млет, Бог, Иже на престоле́ со кня́зи посади́ тя, лю́дем Свои́м я́ко досто́йна па́тыря производя́, отца́ сирота́м и заступника́ вдова́м те́пла положи́ тя, Ио́но блаже́нне.

И ны́не: Просвети́, Чи́стая, любо́вию чту́щих Тя и велича́ющих, разреши́ стра́сти на́ша. Тем, Де́во, уста́ви бу́рю, лука́ваго собла́зны от среды́ отжени́, ва́рвары покори́ правосла́вным лю́дем моли́твами Твои́ми.